



UPM Terima Anugerah Lembaga Zakat Selangor



Ketua Pegawai Eksekutif LZS, Mohamed Izam Yusof (kanan) menerima anugerah daripada Timbalan Naib Canselor (Hal Ehwal Pelajar dan Alumni) UPM, Prof. Mohd Fauzi Ramlan(kiri).

SHAH ALAM - Universiti Putra Malaysia (UPM) menerima 'Anugerah Prestasi Peningkatan Pembayar Tertinggi Penolong Amil IPTA 2009' dalam Majlis Anugerah Ejen Kutipan Zakat 2009 oleh Lembaga Zakat Selangor (LZS) baru-baru ini.

Timbalan Naib Canselor (HEPA) UPM, Prof. Mohd Fauzi Ramlan mewakili UPM menerima anugerah yang disampaikan oleh Ketua Pegawai Eksekutif LZS, Mohamed Izam Mohamed Yusof di De Palma Hotel Shah Alam.

"UPM berjaya meningkatkan bilangan pembayar zakat sebanyak 40.42 % atau 487 orang pembayar zakat baru berbanding tahun sebelumnya.

"Saya mengambil kesempatan mengucapkan setinggi-tinggi penghargaan dan jutaan terima kasih kepada semua warga UPM yang telah melaksanakan kewajipan berzakat melalui Tabung Amanah Zakat UPM," katanya.



Majlis yang disertai lebih 70 orang wakil ejen kutipan zakat ini bertujuan menghargai peranan dan kerjasama ejen kutipan zakat dalam memudahkan urusan pembayaran zakat di Selangor.

Selain itu 12 anugerah diberikan kepada ejen kutipan zakat yang berjaya mencapai kutipan zakat tertinggi, jumlah pembayar zakat tertinggi dan prestasi peningkatan kutipan zakat tertinggi.

Disediakan oleh Irma Fahri Shahrizan Jamari dan disunting oleh Seksyen Media BKK,

Tel : 03-89471332

Hak Cipta Terpelihara 2007
Universiti Putra Malaysia